

## **Samoan - Fa'aleagaga Tau'a Tusi - SW Intro Scriptures**

**Luka 17:5** ‘Ona fai ane lea o le ‘aposetolo i le Ali‘i, “ ‘Ia e fa‘atuputeleina lo matou fa‘atuatua.”

**Roma 10:17** O le mea lea, e tupu mai le fa‘atuatua i le mea ‘ua fa‘alogo ai, o le mea fo‘i ‘ua fa‘alogo ai e tupu mai lea i le tala‘iina atu e Keriso.

**Luka 11:1** Sa tatalo Iesu i le isi mea. ‘Ua uma lana tatalo, ‘ona fai ane lea ‘iā te ia o le tasi o ona so‘o, “Le Ali‘i e, ia e a‘oa‘o mai ‘iā te i matou le faiga o tatalo, e pei ‘ona a‘oa‘o atu fo‘i e Ioane i ona so‘o.”

**1 Timoteo 2:1-4** O le mea lea ‘ou te apoapoa‘i atu ai, ia muamua i mea uma lava ‘ona faia o olega, ma talosaga, ma aioiga ma fa‘afetai mo tagata uma lava;; 2 mo tupu ma ē ‘ua i ai le pule; ‘ina ‘ia tatou ola i se olaga filemū, i le amioatua uma lava ma le fa‘amaoni. 3 O le mea lelei lea ma le mālie i le silafaga a le Atua lo tatou Fa‘aola; 4 o lē ‘ua finagalo ia fa‘aolaina tagata uma lava, ma iloa le ‘upu moni.

**Luka 22:31** “Simona e, Simona e, ‘ua mana‘o tele satani e lūlū ‘iā te ‘outou e pei o le saito.

**Sakaria 3:1,2 - Iuta 1:9** Peita‘i, ‘ina ‘ua finau Mikaele le agelu silisili, ma le tiapolo, e uiga i le tino o Mose, sa le‘i lafona atu fa‘amalosi e ia se ‘upu leaga e fa‘asala ‘iā te ia, a ‘ua fai atu, “ ‘Ia a‘oa‘i oe e le Ali‘i.”

**Efeso 6:12** Auā tatou te lē tau ma tagata, a o ali‘i sili ma faipule ma ali‘i o le pouliuli o lenei lalolagi, ‘atoa fo‘i ma agaga leaga o i le lagi.

**Efeso 6:10,11** O le toe ‘upu, ‘ia ‘outou lototetele i le Ali‘i ma le malosi o Iona mana. 11 ‘Ia ‘outou ‘o‘ofu i ‘ofutau mai le Atua, ‘ina ‘ia ‘outou mafaia ‘ona tete‘e atu i togafiti a le tiapolo.

**Efeso 6:13-17** O le mea lea, ‘ia ‘outou tago i ‘ofutau ‘ato‘atoa mai le Atua, ‘ina ‘ia ‘outou mafaia ‘ona tete‘e atu pe a o‘o i le aso leaga, pe a uma ‘ona ‘outou faia o na mea uma, ‘ona ‘outou tūtūmau ai lea. 14 O le mea lea ‘ia tumau ‘outou, ‘ia fusia o ‘outou sulugātiti i le fa‘amaoni, ma ‘ia ‘avea le amiotonu ma o ‘outou ufifatafata, 15 ma ‘ia fa‘ase‘evaeina o ‘outou vae i le nofo sauni e folafola le Tala Lelei o le filemū. 16 A ‘ia sili lava i mea uma ‘ona ‘avea le fa‘atuatua ma talitā, o le a mafai ai e ‘outou ‘ona tineia ū fanafana mumū uma lava a lē o lo‘o leaga. 17 ‘Ia ‘outou ‘avea le puloutau o le fa‘aolataga, ma le pelu o le Agaga, o le afioga lea a le Atua.

**Eperu 4:12** ‘Ina ‘ia fa‘a‘au‘upegaina ai le au pa‘ia e fai ai e i latou le galuega, ia ati a‘e ai le tino o Keriso.

**Luka 4:8** ‘Ona tali atu lea o Iesu ‘iā te ia, “ ‘Ua tusia, ‘ ‘E te ifo atu i le Ali‘i Iou Atua, na o ia lava ‘e te ‘au‘auna i ai.’ ”

**Efeso 6:18** ‘Ia ‘outou tatalo e lē aunoa ma ôle atu i le fesoasoani mai le Atua, ma ‘ia tatalo fo‘i i le mana o le Agaga. ‘Ia mataala i mea uma, ma ‘ia tausisi i le tatalo mo tagata pa‘ia uma lava.

**1 Samuelu 17:45-47** Ona tali atu lea o Tavita i le Filisitia, Ua a sau ia te au ma le pelu, ma te toa, ma le tao leoleo; a o a‘u, ou te alu atu ia te oe i le suafa o le ALII o ‘au, o le Atua o le itu taua a Israelu ua e faifai i ai. 46 O le aso nei e tuuina mai ai oe e le ALII i lo‘u lima, ou te fasi ia te oe, ma ave ese lou ulu; ou te foai atu foi tino oti o ‘au a Filisitia i lenei aso i manu felelei ma manu feai e tataa; e iloa ai e le lalolagi uma, o i ai le Atua ia Israelu. 47 E iloa ai foi e lenei faapotopotoga uma, e le faaolaina tagata e le ALII i se pelu ma se tao; auā o loo i le ALII le taua, na te tuuina mai outou i o matou lima.

**Luka 10:17-20** ‘Ua toe fo‘i mai le to‘afitusefulu ma le ‘oli‘oli, ma fai mai ‘iā te ia, “Le Ali‘i e, e o‘o lava i temoni ‘ua usiusita‘i mai ia i matou ‘ona o lou suafa.” 18 ‘Ua tali atu Iesu ‘iā te i latou, “Na ‘ou va‘aia le pa‘ū ifo o Satani mai le lagi e pei o le ‘emo o le uila. 19 O lenei, ‘ua ‘ou foa‘iina atu ‘iā te ‘outou le pule tou te solia ai gata ma akarava, ma le malosi uma o le fili; ma e leai lava se mea e tasi e afaina ai ‘outou. 20 Peita‘i, ‘ua tou te ‘oli‘oli ‘ona ‘ua usiusita‘i agaga ‘iā te ‘outou, a ‘ia ‘outou ‘oli‘oli ‘ona ‘ua tusia o ‘outou igoa i le lagi.”

**2 Korinito 10:3-5** Auā e ui lava ‘ina matou ola fa‘aletino, ‘ae matou te lē tau fa‘aletino, 4 auā o ‘au‘upega o la matou nei tau‘a e lē fa‘aletino ‘ae fa‘aleagaga, e lepetia ai ‘olo. ‘Ua fa‘aumatia e i matou finauga, 5 ma mea maualuluga uma e tete‘e atu i le poto o le Atua; ‘ua fa‘ato‘ilaloina fo‘i mafaufauga uma, ‘ina ‘ia usiusita‘i ai ‘iā Keriso;

**2 Timoteo 1:7** Auā e le‘i foa‘iina mai ‘iā te i tatou e le Atua le agaga e fefefe ai; a o le mana ma le alofa, ma le amio pulea.

**Mataio 12:28,29** ‘Ae ‘āfai o le malosi o le Agaga o le Atua ‘ou te tuli‘esea ai temoni, o Iona uiga ‘ua o‘o mai lava le Mālō o le Atua ‘iā te ‘outou. 29 “E fa‘apefea ‘ona alu atu se tagata ma so‘ona fa‘aleaga mea a se tagata malosi i Iona lava fale? Se‘iloga e sāisāi muamua le tagata malosi, ‘ona fa‘ato‘ā mafai lea e se isi ‘ona fa‘aleagaina ana mea.

**Efeso 1:13** E fa‘apea fo‘i ‘outou, ‘ina ‘ia ‘outou fa‘alogo i le ‘upu moni o le Tala Lelei o lo ‘outou fa‘aolataga, ma fa‘atuatua ‘iā Keriso, ‘ua fa‘amaufa‘ailogaina i le Agaga Pa‘ia na folafolaina;

**Galuega 19:6** ‘Ua fa‘ae‘e atu fo‘i e Paulo ona lima ‘iā te i latou, ‘ona o‘o mai lea o le Agaga Pa‘ia ‘iā te i latou; ‘ona tautala ai lea o i latou i gagana ‘ese‘ese ma vavalou atu.

**Mareko 16:15-18** ‘Ua fetalai atu fo‘i o ia ‘iā te i latou, “Ō atu ia ‘outou i le lalolagi uma ma folafola atu le Tala Lelei i tagata uma. 16 O lē e fa‘atuatua ma papatisoina e fa‘aolaina o ia; a o lē e lē fa‘atuatua, e

**fa'asalaina ia. 17 O le ā tu'uina atu fo'i fa'ailogia nei e iloa ai; e tuli'esea e i latou temoni i lo'u igoa; e tautala fo'i i latou i gagana fou; 18 e fetāgofi fo'i i latou i gata, ma 'āfai e inu e i latou se mea 'o'ona o le ā le afaina i latou; e fa'ae'e atu fo'i o latou lima i ē e mama'i, 'ona fa'amālōlōina ai lea o i latou."**

**1 Ioane 1:9 'Āfai tatou te fa'aali atu a tatou agasala, o le a fa'amāgaloina a tatou agasala e ia, ma fa'amamā ia i tatou i amiolētonu uma lava.**

**Esoto 20:5 aua e te ifo i ai, aua foi e te auauna i ai; auā o a'u o le ALII lou Atua, i le Atua fuā, o lē taui atu i fanau le amioletonu a o latou mātua, e oo i le tupulaga e tolu ma le fa o e 'ino'ino mai ia te au;**

**Salamo 109:17 - Iakopo 3:10 E luai mai le gutu e tasi le fa'amanuia ma le fetu'u. O'u uso e, 'aua ne'i tupu se mea fa'apea.**

**Faamasino 16:16 - 2 Peteru 2:7,8 'Ae peita'i na fa'asaoina e ia Lota, auā o ia o le tagata lelei, ma 'ua matuā tigā i le amioleaga a tagata lē taupulea. 8 Na mau fo'i lenei tagata lelei ma i latou i lea aso ma lea aso. Sa va'ai ma fa'alogo o ia i mea sa tutupu, o a latou amio lē taupulea sa fa'atigā i lona loto.**

**Efeso 4:26 A 'outou ita, 'aua ne'i agasala ai; 'aua ne'i goto le la o 'outou o ita pea.**

**Roma 14:12 O lea, e ta'ito'atasi i tatou uma ma fa'amatala atu lana amio i le Atua.**

**1 Ioane 2:23 Auā o lē e fa'afitia le Alo, 'ua fa'afitia fo'i e ia le Tamā; o lē e fa'aali le Alo, 'ua 'iā te ia fo'i le Tamā.**

**Ioane 14:6 'Ua tali atu lesu 'iā te ia, "O a'u nei le ala, ma le 'upu moni, ma le ola; e lē alu atu se isi i le Tamā, pe a lē ui mai 'iā te a'u.**

**Mataio 11:28-30 " 'Ia 'outou ō mai 'iā te a'u 'outou uma o ē 'ua tigāina ma mafatia i avega, 'ou te avatua 'iā te 'outou le mālōlōga. 29 'Ia 'outou amoina la'u amo ma fa'aa'oa'o mai 'iā te a'u; auā e agamalū ma loto maulalo, 'ona maua lea e 'outou le mālōlōga mo 'outou agaga; 30 auā e 'ave gofie la'u amo e māmā fo'i la'u avega."**

**2 Korinito 6:2 Auā 'ua fetalai mai o ia, "O le taimi na talia ai na 'ou fa'alogo ai 'iā te oe; o le aso o le fa'aolataga na 'ou fesoasoani ai 'iā te oe." 'Ua o'o mai le taimi e talileleia ai, o le aso fo'i lenei o le fa'aolataga.**

**Roma 10:13 Auā, "O tagata uma e vala'au atu i le suafa o le Ali'i, e fa'aolaina."**